

Ճապոնի երկրաչափները, հարաւային Ամերիկայի հանրապետութիւնների յեղափոխութիւնները, Մեքսիքայի աւազակութիւնները, չինական սուլը, Վեդուլի եւ Էտնայի հրաբխային գործունէութիւնը, հրէական պողոտքը, փարիզեան նորածեղութիւնները, հնդկական ժանտախտը, եւ հայկական ջարդերը՝ համաշխարհային կեանքի ամենօրեայ յայտադիրն են կազմում: Բազմահազար թերթերի ընթերցողները, եօթօֆորմին վարժուող հիւանդի նման, վարժ են այդ լուրերին: Գրերի վրայ ցատկըտող աչքը հրէշային մակարոյժ է եւ իր ամենօրեայ կերակուրն է պահանջում: Միտքը բրթացած է, խիղճը թմբած:

Այսօր, ընկղմող անդրատլանտեան նաւերի մօտ՝ խեղճ նաւակ ենք, աննշարելի եւ դրբեթէ անյայտ:

Ու ահա, եկել ենք, հայերս ամէն կողմից, փոթորիկների հանդիպած թռչունների երամաների մնացորդներ եւ բոյն ենք փնտռում:

* * *

Արարատից, Նոյեան տապանը իջել է նորէն: Եկել է վանեցի չարաչափը՝ շուկայում ոսկի է ծախում: Հայ վարժապետը, իր սրտի մաշուած գիրքը յանձնում է փոշիներին: Կղերականը մտել է ստուերի տակ եւ կասկածով նայում է խաչին: Գիտնականը մոռացել է իր գիտութիւնը եւ ամէն մարդու յայտնի ճշմարտութիւններ է պատշգամում: Սանտիպանը հին ապրանքների մօտ մարտիրոսացել է, իսկ գիւղացին Փրանսայի դէմ բողոքներ է կազմակերպում:

Լենինը, որի հետ ժընէվում, աժան ճաշ էինք ուտում, եկել է Հայաստան:

Բարե՛ւ:

* * *

Աժան ճաշ էինք ուտում...

Ակնունին, Սիամանթօն, խեղճ եւ բարի Մինասեանը, Արամ Չարըզը եւ ուրիշներ ժողովում էին Cafe Lyrique-ում: «Գրօշակ»ի խմբագրատունը, բարձր ծառերի տակ թաղնուած բերդ էր, ուր խորհրդաւոր դաւադրութիւններ էին տեղի ունենում:

Երկրից, մարդիկ էին դալիս. մի քանի օր մնում եւ շուտով մեկնում: Շշուկներ էին պլտրում: Առասպելներ էին պատմում: Եւ սակայն, ամէն օր, Ակնունին եւ իր ընկերները,

ժամը չորսին, կաֆէյում իրենց սուրճն էին խմում՝ իբրեւ թէ ոչինչ չի պատահել:

Սիամանթօն դալկահար մի երիտասարդ էր: Լճի ափին երազիւն ման էր դալիս: Ասում էին թողախտաւոր է:

Cafe Lyrique-ի աշխարհը ուրոյն աշխարհ էր, նահապետական եւ հանդիստ:

Մենք, մի քանի երիտասարդներ, 17-18 տարեկան, պատկանում էինք ուրիշ բանակի: 1905-ի յեղափոխութեան բեկորները վայր էին ընկել Պլէն Պալէ փչրուած նաւակների նրման: Պլեխանովի շուրջը համախմբուել էին վրացիները, իսկ մենք՝ Լենինի կողմնակիցներն էինք: «Ռադուդա» անունով ամսագիր էին հրատարակում: Միխա Յիսակիան եւ բրժիչիկ Սէմաշկօն մեղ առաջնորդում էին: Սուամ էինք կազմել եւ Բօդղանովի հետ էմպիրիօ-կըրիտիցիզմ էինք ուսումնասիրում եւ Կարլ Մարքսի մօրուքը Մախի փիլիսոփայութեան մէջ թաթախում:

Պլեխանովը չէր սիրում հայերին, Կաֆէ Լիբիկի կողմը քմծիծաղով էր նայում եւ վըրաց նախկին իշխաններին էնդեյսի շքանշաններ էր բաժնում: Մինչ բոլշեւիկեան ուղղութիւնը, վերջ ի վերջոյ, համակրութեամբ էր նայում ամէն տեսակ յեղափոխական գործունէութեան վրայ:

Մեր նշանաբանն էր — Լենինը ասել էր — պարտուած ուսական յեղափոխութեան ալիքները նետել Եւրոպա: Դիմել բոլոր միջոցների, մինչեւ իսկ անիշխանական:

Ժողովներ էինք անում: Ժողովրդական տան փոքրիկ սրահում երկար միճարանում էինք: Երեկոյթներ էինք սարքում ու Մարքսի, էնդեյսի, Կաուցիու եւ ուրիշների բրոշուրների մէջ հնձում անտանելի ձանձրոյթի չորրցած հասկերը:

Երբեմն դալիս էր Լենինը: Ամէն բան տակընովրայ էր անում: Այդ փոքրիկ մարդու երեսին դաժան մի դադախարի լոյսը կար: Նրա շուրջը ամէն ինչ լըջանում էր, ամէն ինչ վերին աստիճանի կարեւոր էր դառնում: Նրա մի նայուածքը, մի խօսքը բաւական էին, որպէսզի մարդ նետուի կրակի մէջ: Յուսախաբութեան ամենասոսկալի օրերին, երբ այլեւս ոչ ոք չէր հաւատում, որ ցարական բեժիմը կարող է փոխուել, Լենինի մի նախադասութիւնը, միշտ